

四庫全書

經部

欽定四庫全書

經部

五禮通考卷二百十六

詳校官侍郎臣劉躍雲

給事中臣溫常綬覆勘

總校官進士臣繆琪

校對官中書臣李奎

謄錄進士臣唐燦

欽定四庫全書

五禮通考卷一百十六

刑部尚書秦蕙田撰

嘉禮八十九

設官分職

春秋隱公元年秋七月天王使宰咺來歸惠公仲子之

賵疏周禮天官卿一人小宰中大夫二人宰夫下大夫

四人宰夫職曰凡邦之事掌其戒令與其器幣財

用既掌其事或即

充使此蓋宰夫也

顧氏棟高曰王人見于經者惟宰書官正義曰穀梁傳曰天子之宰通于四海其意言宰者六官之長官名通于海內當謂太宰之長官耳其屬官不應得通而宰恒宰渠伯糾則必非長官亦稱為宰者蓋自宰夫以上皆通也愬意冢宰紀法之守桓公篡弑王不能討即位四年未嘗一朝王室而王使下聘仲子諸侯之妾以冢宰歸賄皆非禮也故特書官以示譏若宰夫以下則如劉夏石尚書名可矣何必具官正義說非也

隱公三年左氏傳鄭武公莊公為平王卿士

注卿士王卿之執政

者

八年左氏傳號公忌父始作卿士于周

程氏啟生曰鄭伯為左卿士則虢公右卿士也鄭伯奪政之後蓋周公黑肩代之故桓公五年伐鄭之役虢公將右軍周公將左軍

顧氏棟高曰案哀十六年楚白公勝謂石乞曰王與二卿士杜注二卿士子西子期也定元年傳子家子曰若君立則卿士大夫與守龜在是諸侯執政者亦謂之卿士

桓公二年左氏傳周內史聞之

桓公四年天王使宰渠伯糾來聘

疏傳言父在故名則于法當書字但中下

大夫例皆書字故直言王官之宰不指小宰宰夫

莊公十九年左氏傳王收膳夫之秩

二十二年左氏傳周史有以周易見陳侯者

注史周太史也

三十二年左氏傳有神降于莘惠王問諸內史過曰是何故也

僖公九年公會宰周公于葵丘

注天子三公

十六年左氏傳隕石于宋五六鷁退飛過宋都周內史叔興聘于宋宋襄公問曰是何祥也吉凶焉在

顧氏棟高曰觀此及莊三十二年傳則內史亦掌占候吉凶之事蓋太史之屬也

二十四年左氏傳太叔以狄師攻王王御士將禦之

注周

禮王之御士十二人 疏周禮無御士之官惟夏  
官太僕之屬有御僕下士十二人掌王之燕令

二十八年左氏傳王命內史叔興父策命晉侯為侯伯

顧氏棟高曰周禮內史職曰凡命諸侯及  
狄卿大夫則策命之鄭司農引此傳為証

三十年天王使宰周公來聘

注天子三公  
兼冢宰也

顧氏棟高曰僖二十八年踐土之盟國語以王子虎  
為太宰文公而經兩書宰周公皆在僖公時或中遷  
代

文公元年左氏傳王使內史叔服來會葬

成公二年左氏傳王使委于三吏

注三吏三公也 疏  
曲禮云五官之長曰

伯其擯于天子也曰天子之吏  
鄭云謂三公也是三公稱吏

襄公十年左氏傳晉滅偁陽使周内史選其族嗣納諸

霍人

注內史掌爵祿廢置者

單靖公為卿士以相王室

十五年左氏傳官師從單靖公逆王后于齊卿不行非

禮也

注官師劉夏也疏祭法云官師一廟鄭云官師中士下士也是天子官師非卿也

二十一年左氏傳欒盈過周辭于行人

注王行人也

將歸死于尉氏

注尉氏討奸之官疏周禮司寇之屬無尉氏之官蓋周室既衰官名改易於



時有此  
官耳

蕙田案漢以廷尉主刑名蓋因於此

王使司徒禁掠轢氏者歸所取焉

疏周官司寇掌誥奸慝刑暴亂當使司寇

而云司徒者以司徒掌會萬民之卒伍以起徒役以比追胥以此追寇盜是其所掌獲得罪人乃使司寇刑之耳

使候出諸輶轅

注候迎送賓客之官

顧氏棟高曰周禮夏官有候人各掌其方之道治與其禁令以設候人若有方治則帥而致于朝及歸送之于竟周語云敵國賓至候人為道是諸侯亦有候人也

二十六年左氏傳晉韓宣子聘于周王使請事對曰晉士起將歸時事于宰旅無他事矣

顧氏棟高曰周禮太宰之屬旅下士三十有二人

昭公九年左氏傳周甘人與晉閻嘉爭閻田王使賓滑執甘大夫襄以說于晉

疏典邑大夫法當以邑名冠之而稱人甘人是甘縣大夫知閻

嘉是晉之閻縣大夫

顧氏棟高曰周禮縣正每縣下大夫一人各掌其縣之政令徵比則此縣大夫即周禮之縣正也

二十一年左氏傳天王將鑄無射泠州鳩曰王其以心

疾死乎

注冷  
樂官

二十二年左氏傳司徒醜以王師敗績于前城

哀公六年左氏傳有雲如衆赤鳥夾日以飛三日楚子使問之周太史

蕙田案以上周

隱公二年左氏傳司空無駭入極

注魯司徒司馬  
司空皆卿也

十一年左氏傳羽父請殺桓公將以求太宰

疏天子六  
卿天官為

太宰諸侯則并六為三而兼職焉昭四年傳稱季孫為司徒叔孫為司馬孟孫為司空則魯之三卿無太宰羽

父名見于經已是卿矣而復求太宰蓋欲令魯特設是官以榮已耳以後更無太宰知魯竟不立之

文公十八年左氏傳莒僕來奔季文子使司寇出諸竟襄公二十一年左氏傳季孫謂臧武仲曰子為司寇將盜是務去

蕙田案臧宣叔武仲皆官司寇而名見於春秋則魯之司寇亦卿官矣顧寧人謂臧紇為小司寇者非是

昭公四年左氏傳杜洩曰君使三官書之吾子為司徒

實書名

注謂季孫也書名定位號

夫子為司馬與工正書服

注叔孫也服車

服之器工

孟孫為司空以書勲

注勲功也疏周禮大司徒掌十二教十有一曰

以賢制爵十有二曰以庸制祿故司徒書名定位號也周禮夏官司馬其屬有司士掌羣臣之政以德詔爵以功詔祿工正雖不屬司馬掌作車服故與司馬書服也周禮司勲屬夏官今司空書勲者春秋之時又是諸侯之法不可盡與禮同

定公元年左氏傳孔子之為司冠也溝而合諸墓

注孔子為

司冠在定公十年後

孔氏穎達禮記正義崔靈恩云諸侯三卿司徒兼冢宰司馬兼宗伯司空兼司冠三卿之下有五大夫五

大夫者司徒之下立二人小宰小司徒司馬之下立  
其事省立一人為小司馬兼宗伯之事司空之下立  
二人小司空小司寇今夫子為司空者為小司空也  
從小司空為小司寇也崔所以知然者魯有孟叔季  
三卿為政又有臧氏為司寇故知孔子為小司寇

十二年左氏傳仲尼命申句須樂頎下伐之

注仲尼時為司寇

疏史記孔子世家云定公以孔子為中都宰一年四方  
皆則之由中都宰為司空由司空為大司寇十年會于  
夾谷時已為司寇矣十四年孔子由大司寇攝行相事  
是此時仲尼為司寇

蕙田案魯自成襄以後司徒司馬司空三卿  
常以季孟叔三家居之而子叔氏臧氏亦以

世卿見於春秋又如成二年戰于鞏季孫  
行父臧孫許叔孫僑如公孫嬰齊四卿並  
行其時尚有仲嬰齊仲孫蔑兩卿則魯亦  
有六卿但其官名惟臧孫許知是司寇餘  
二卿則不可考耳冉求稱孔子為國老而  
孔子之卒書於魯史蓋昭定之世臧氏漸  
微故以孔子代之崔氏以為小司寇者疑  
非然也

桓公六年左氏傳子同生卜士負之士妻食之

注禮世子生三

日卜士負之射人以桑弧蓬矢射天地四方卜士之妻為乳母

莊公九年左氏傳師及齊師戰于乾時我師敗績公喪

戎路傳乘而歸秦子梁子以公旗辟于下道是以皆止

注二子公御及戎右也

十一年左氏傳乘邱之役公以金僕姑射南宮長萬公

右顓孫生搏之

注檀弓云魯莊公及宋人戰于乘邱縣賁父御卜國為右車右與此不同者禮

記後人所錄聞于所聞之口其事未必實也



三十二年左氏傳園人犇

顧氏棟高曰周禮夏官有園師園人掌養馬者

閔公二年左氏傳成季之將生也桓公使卜楚邱之父

卜之注卜楚邱魯掌卜大夫

僖公二十一年左氏傳夏大旱公欲焚巫尪

顧氏棟高曰周禮司巫中士二人掌羣巫之政令若國大旱則率巫而舞雩鄭司農引此傳為証

文公二年左氏傳于是夏父弗忌為宗伯

注宗伯掌宗廟昭穆之禮

顧氏棟高曰諸侯不應有宗伯而周禮春官之屬有都宗人掌都祭祀之禮家宗人掌家祭祀之禮定四

年傳稱魯公之封有祝宗卜史杜氏解宗為宗人魯語哀姜至公使大夫宗婦覲用幣宗人夏父展曰非故也韋注宗人宗伯也則魯之宗人亦謂之宗伯蓋其所掌與周官小宗伯同

蕙田案魯之夏父氏蓋世為宗人之官左傳以弗忌為宗伯蓋僭稱也春秋諸國皆不立宗伯以諸侯三卿五大夫無宗伯小宗伯故也

四年左氏傳衛甯武子來聘使行人私焉

顧氏棟高曰案行人見于經者六並以見執書是乃一時奉使非專官又案襄四年正義云周禮大行人

掌大賓之禮大客之儀小行人掌使適四方協賓客之禮諸侯行人當亦通掌此事故為通使之官然則經傳所書行人雖各異其職掌正同

十一年左氏傳鄭瞞侵齊遂伐我公使叔孫得臣追之

侯叔夏御莊叔綿房甥為右富父終甥駟乘

注駟乘四人共車

十五年左氏傳卞人以告

注卞邑大夫

顧氏棟高曰案昭四年申豐論藏冰曰縣人傳之杜曰縣人遂屬正義曰五縣為遂然周禮有遂人遂大夫而無縣人疑諸侯之縣大夫即謂之縣人也襄十年傳邶人紇正義曰公邑大夫皆以邑名冠之呼某入成二年傳衛新築人仲叔于奚杜曰守新築大夫昭二十一年傳宋厨人濮杜曰厨邑大夫是邑大夫

通呼為人也

襄公四年左氏傳匠慶謂季文子

注匠慶魯大匠

七:left氏傳叔孫昭伯為隧正

注隧正主役徒正官名當周禮之遂人

疏隧

二十三年左氏傳公鉏出為公左宰

注出季氏家臣仕于公

顧氏棟高曰魯有左宰即當復有右宰衛有右宰即當復有左宰然不知其所掌何職也

孟氏將辟藉除于臧氏臧孫使正夫助之

注正夫隧正疏隧正當

屬司徒臧氏為司寇蓋兼掌之

將盟臧氏季孫召外史掌惡臣而問盟首焉

疏周禮外史掌書外

令掌四方之志今季孫召  
外史蓋魯亦立此官也

顧氏棟高曰此疏言魯亦有外史之官而序文疏內則云史官身居在外季孫從內召之故曰外史又以南史外史皆非官名今據尚書諸侯得有內史則亦有外史也

二十七年左氏傳十一月乙亥朔日有食之辰在申司  
歷過也再失閏矣

蕙田案司歷者乃太史之屬所謂諸侯有日  
御是也

二十八年左氏傳叔孫穆子食慶封使工為之誦茅鷄

注工  
樂師

二十九年左氏傳使工為之歌周南召南

顧氏棟高曰周禮春官太師下大夫二人小師上士四人其下有瞽矇之屬鄭注云凡樂之歌必使瞽矇為焉命其賢知者以為太師少師魯論有太師摯少師陽而傳無之今案昭九年傳屠蒯酌以飲工而檀弓以為即師曠則是太師以下通謂之工也

楚人使公視襚乃使巫以桃茆先祓殯

注巫者接神之官

顧氏棟高曰周禮男巫王弔則與祝前喪祝王弔則與巫前鄭司農引此傳為証

昭公二年左氏傳韓宣子來聘觀書于太史氏見易象

與魯春秋曰周禮盡在魯矣

疏太史職掌書籍必有歲書之處若今之祕閣

四年左氏傳公御萊書

注公御士

五年左氏傳南遺使國人助豎牛以攻仲壬于大庫之庭司宮射之

十七年左氏傳日有食之祝史請所用幣

顧氏棟高曰掌祝者謂之祝史猶掌卜者謂之筮史周禮春官大祝掌六祝之辭以祝鬼神示其屬有小說祝喪祝甸祝詛祝等官定四年傳分魯以祝宗卜史謂太祝宗人太卜太史四官則魯有太祝也

二十五年左氏傳公果賁使侍人僚祖告公

三十二年左氏傳公疾徧賜大夫賜子家子雙琥一環一璧輕服受之公薨子家反賜于府人

哀公三年左氏傳桓僖災南宮敬叔至命周人出御書

俟于宮

注周人司周書典籍之官御書進于君者也

子服景伯至命宰人

出禮書

注宰人冢宰之屬

校人乘馬巾車脂轄

注校人掌馬巾車掌車

公父文伯至命校人駕乘車

蕙田案魯諸侯不設冢宰當有小宰以大夫

為之而宰人則其屬也校人巾車皆周禮官



名

二十四年左氏傳公子荆之母嬖將以為夫人使宗人  
釁夏獻其禮對曰無之公怒曰女為宗司立夫人國之

大禮也何故無之

注宗人  
禮官

蕙田案以上魯所設官之見於傳者其左宰  
及周人二官則他國無之

襄公七年左氏傳南遺為費宰

顧氏棟高曰宰本家臣之名而邑長亦稱宰正義曰  
公邑稱大夫私邑稱宰然昭二十六年傳成大夫公

犯嘗為武城宰是公邑亦稱宰也

十年左氏傳孟獻子以秦董父為右

二十三年左氏傳季氏以公鉏為馬正

注馬正家司馬

孟氏之御駟豐點

注駟是掌馬之官蓋兼掌御事謂之御駟

二十五年左氏傳及季姒與饗人檀通

注饗人食官

叔孫氏之司馬駿戾

顏氏棟高曰周禮家司馬各使其臣以正于公司馬鄭注卿大夫之采地各自使其家臣為司馬主其地

賦軍

叔孫昭子齊于其寢使祝宗祈死

顧氏棟高曰此叔孫氏之宗人即周禮所云家宗人也

臧會奔邠邠魴假使為賈正焉

疏賈正如周禮之賈師其職云各掌其次之貨

賄之治辨其物而均平之禁貴賣者使有恒賈此邠市之賈正也

定公七年左氏傳齊國夏伐我陽虎御季桓子公歛處父御孟懿子將宵軍齊師

蕙田案以此傳及哀十一年傳推之則魯卿之御與戎右皆家臣也

八年左氏傳虞人以鉞盾夾之

孟氏選圉人之壯者三百人以為公期築室于門外

十年左氏傳公南為馬正使公若為郕宰武叔使郕馬

正侯犯殺公若弗能其圉人

注叔孫之圉人

殺公若

叔孫謂郕工師馮赤

注工師掌工匠之官

哀公十一年左氏傳孟孺子洩帥右師顏羽御郕洩為

右冉求帥左師管周父御樊遲為右

十四年左氏傳叔孫氏之車子鉏商獲麟

疏服虔云車士考家語

有士字王肅云車士將車者也此則大夫之家主車

蕙田案以上大夫家臣

又案以上魯

桓公六年左氏傳申繻曰晉以僖侯廢司徒

注僖侯名司徒廢為

軍中

顧氏棟高曰僖侯之卒在春秋前百年是春秋時晉久無司徒之官僖二十七年晉文公始作三軍使郤穀將中軍則為廢司徒為中軍者杜蓋據後事言也

三年左氏傳曲沃武公伐翼韓萬御戎梁宏為右

莊公二十六年左氏傳士為大司空

注大司空卿官

蕙田案獻公時尚以司空為卿至文公作三

軍以將佐為六卿而司馬司空僅為散職先

王之制盡廢矣

閔公元年左氏傳公將上軍太子申生將下軍趙夙御  
戎畢萬為右

二年左氏傳晉侯使太子申生伐東山臯落氏狐突御

戎先友為右梁餘子養御罕夷先丹木為右

注申生以太子將上

軍罕夷晉  
下軍卿也

僖公八年左氏傳里克帥師梁由靡御號射為右

十五年左氏傳步揚御戎家僕徒為右梁由靡御韓簡  
號射為右

顧氏棟高曰晉始作二軍上軍公自將下軍太子將  
之閔二年伐東山臯落氏杜注申生以太子將上軍  
罕夷下軍卿據此則僖十五年韓之戰亦是公將上  
軍韓簡則下軍將也僖八年傳里克帥師其御右同  
韓簡當亦是下軍將

蕙田案以上三條推之則晉初上下二軍之

帥無常人矣

僖公二十七年左氏傳蒐于被廬作三軍謀元帥使卻  
穀將中軍卻縠佐之使狐偃將上軍讓於狐毛而佐之  
命趙衰為卿讓於欒枝先軫使欒枝將下軍先軫佐之  
荀林父御戎魏犢為右

顧氏棟高曰晉政卿亦稱元帥僖二十七年傳作三  
軍謀元帥是也亦稱將軍昭二十八年傳豈將軍食  
之而有不足是也後世設官有  
將軍元帥等名其原實起于此

蕙田案晉本大國曲沃以支子併宗國王以



一軍命為諸侯閔元年獻公作二軍至是始

復大國三軍之舊

二十八年左氏傳晉卻縠卒原軫將中軍胥臣佐下軍

注先軫以下軍  
佐超將中軍

三月立舟之僑以為戎右

注代  
魏犢

六

月舟之僑先歸士會攝右

晉侯作三行以禦狄荀林父將中行屠擊將右行先穀

將左行

注晉置三軍今復增置三行以避天子六軍之名三行無佐疑大夫帥

三十一年左氏傳晉蒐于清原作五軍以禦狄趙衰為

卿

注二十八年作三行今罷之更為上下新軍二十七

年命趙衰為卿讓于欒枝今始從原大夫為新軍帥

疏晉語云使趙衰將上軍箕鄭佐之胥嬰將下軍先

都佐之于時舊三軍之將佐則先軫將中軍卻縠佐之

先且居將上軍孤偃佐之

欒枝將下軍胥臣佐之

三十三年左氏傳文公以冀缺為下軍大夫反自箕襄

公以三命命先且居將中軍以再命命先茅之縣賞胥

臣以一命命卻缺為卿復與之冀亦未有軍行

注雖登卿位未

有軍列

蕙田案此時晉於五軍將佐十人之外別立

卻缺為卿比於天子六卿且將倍之僭妄甚矣

文公二年左氏傳先且居將中軍趙衰佐之王官無地御戎狐鞫居為右穀之戰梁宏御戎萊駒為右戰之明日襄公縛秦囚使萊駒以戈斬之囚呼萊駒失戈狼暉取戈以斬囚禽之以從公乘遂以為右箕之役先軫黜之而立續簡伯

六月穆伯及晉司空士穀盟于垂隴

注晉司空非卿也以穀能堪卿事故

書

蕙田案士穀非卿而見于春秋蓋亦如卻缺之類以一命為卿而未有軍列者耳

六年左氏傳晉蒐于夷舍二軍

注復三軍之制疏清原之蒐五軍十卿有先

軫卻漆先且居狐偃欒枝胥臣趙衰箕鄭胥嬰先都箕之役先軫死往歲趙衰欒枝先且居胥臣卒八年傳說此蒐之事云晉侯將登箕鄭父先都則卻漆狐偃胥嬰亦先卒矣清原十卿惟有箕鄭先都在耳故蒐以謀軍帥也服虔云使射姑代先且居趙盾代趙衰也箕鄭將上軍抹父佐也先穀將下軍先都佐也改蒐於董趙盾將中軍射姑奔狄先克代將中軍

使孤射姑將中軍趙盾佐之陽處父至自溫改蒐于董

易中軍

注易以趙盾為帥射姑佐之

宣子於是乎始為國政既成以

授太傅陽子與太師賈佗使行諸晉國以為常法

疏周禮上

公之國有孤一人王制諸侯三卿晉侯爵而有三軍六卿復有孤二人者晉為伯主多置羣官不能如禮孤尊于卿法由在上故宣子法成授二孤使之

顧氏棟高曰晉置孤卿已僭而有二孤尤非禮也

七年左氏傳趙盾將中軍先克佐之荀林父佐上軍

注箕

鄭將上軍居守故佐獨行先蔑將下軍先都佐之步招御戎戎津為

右

十二年左氏傳趙盾將中軍荀林父佐之卻缺將上軍  
與駢佐之欒盾將下軍胥甲佐之范無恤御戎

宣公元年左氏傳晉人討不用命者放胥甲父子衛

注胥

甲下而立胥克

八年左氏傳晉胥克有蠱疾卻缺為政

注代趙盾

秋廢胥克

使趙朔佐下軍

蕙田案傳凡言為政者皆中軍帥也

十二年左氏傳荀林父將中軍先穀佐之士會將上軍  
卻克佐之趙朔將下軍欒書佐之趙括趙同為中軍大  
夫鞏朔韓穿為上軍大夫荀首趙同為下軍大夫韓厥  
為司馬

十六年左氏傳晉侯請于王以黻冕命士會將中軍且

為太傅

注天子太傅三公之官諸侯太傅孤卿之官周禮典命云公之孤四命鄭衆云九命上公得置

孤卿一人春秋時晉為伯主侯亦置孤卿

十七年左氏傳卻獻子為政

成公二年左氏傳卻克將中軍士燮佐上軍欒書將下軍韓厥為司馬

公會晉師于上鄆賜三帥先路三命之服司馬司空

師侯正亞旅皆受一命之服

注晉司馬司空皆大夫與師主兵車候正主斥候亞

旅亦大夫也

疏明他國以為卿晉以為大夫軍行有

此大夫從者司馬主甲兵司空主營壘亞旅次于卿是

衆大夫也無專職掌故後言之

蕙田案此及襄十九年傳並以司馬司空

軍尉與候並言蓋晉自僖侯廢司徒以後至



文公作三軍各以其將佐為卿而司空司馬  
之官遂不嘗置若軍中所置司馬則周禮軍  
司馬與司馬之職也司空主軍中營壘與齊  
之銳司徒辟司徒相類其秩甚卑非諸侯三  
卿之司馬司空也

成三年左氏傳于是荀首佐中軍矣

晉作六軍韓厥趙括鞏朔韓穿荀驩趙旃皆為卿

注韓厥為

新中軍趙括佐之鞏朔為新上軍韓穿佐之荀驩  
為新下軍趙旃佐之晉舊有三軍今增此為六軍

蕙田案晉文於三軍之外別立三行後改為  
新上下軍其後罷之至景公遂立六軍儼然  
天子之制矣

四年左氏傳晉欒書將中軍荀首佐之士燮佐上軍

六年左氏傳韓獻子將新中軍且為僕大夫公揖而入

獻子從公立于寢庭

注兼太僕疏太僕職云王視燕朝則正位掌擯相鄭注燕朝朝于

路寢之庭也獻子既為僕大夫故知寢庭為路寢之庭

十三年左氏傳晉欒書將中軍荀庚佐之士燮將上軍

卻錡佐之韓厥將下軍荀瑩佐之趙旃將新軍卻至佐之卻縠御戎欒鍼為右

蕙田案成三年置新中上下三軍至是止有新軍不言上下知新上下軍罷於此時杜注罷新上下軍在十六年誤

十六年左氏傳欒書將中軍士燮佐之卻錡將上軍荀偃佐之韓厥將下軍卻至佐新軍荀瑩居守卻犇如衛又如齊皆乞師焉

注荀瑩下軍佐于是卻犇代趙旃將新軍新上下軍罷矣疏三年作六

軍其新三軍將佐六人皆賞輦之功死亡不復存至此  
惟有韓厥在耳卻至佐新軍不言上下是新軍惟一

卻隼將新軍且為公族大夫以主東諸侯

十七年左氏傳公使胥童為卿

十八年左氏傳使魏相士魴魏頡趙武為卿

疏晉語云使呂宣子

佐下軍使彘共子將新軍令狐文子佐之彼言呂宣子魏相也彘共子士魴也令狐文子魏頡也又云呂宣子

卒公以趙文子佐新軍

蕙田案晉語所稱則魏相卒後以士魴佐下

軍魏頡將新軍而趙武佐之也鄆陵之役四

軍八卿此時惟樂書荀偃韓厥荀瑩四人在  
耳士句繼其父士燮為卿當在厲公之世惟  
下軍之佐以下三人則悼公新命之耳

使士渥濁為太傅使修范武子之法

右行辛為司空使修士蒍之法

蕙田案士會為太傅孤卿也士蒍為大司空  
卿也此以大夫為之名存而實非矣

弁糾御戎校正屬焉使訓諸御知義

注校正主馬官  
疏周禮大御御官

之長別有戎僕掌御戎車春秋征伐之世以御戎為重此御戎當是御之尊者校正當周禮校人掌王馬之政襄九年傳命校正出馬知是主馬之官也周禮校人不屬大御此蓋諸侯兼官或是悼公新法此傳所言諸官皆不得與周禮同也

荀賓為右司士屬焉使訓勇力之士時使

注司士車右之官疏周

禮司士掌羣臣之版以詔王治其職非車右之類不得屬車右也周禮有司右上士也掌羣右之政凡國之勇力之士能用五兵者屬焉其下更有戎右中大夫齊右下大夫道右上士此三右或官尊于司右而司右掌其政令春秋之世車右為尊此司士蓋周禮司右之類為車右屬官服虔以為司士主右之官為司士也

卿無共御立軍尉以攝之

注省已

疏卿謂軍之諸將也若

梁餘子養御罕夷解張御郤克之類往前恒有定員掌  
其御御今始省其常員惟立軍尉之官臨有軍事使兼  
攝之令軍尉祁奚為中軍尉羊舌職佐之魏絳為司馬  
兼御御也

張老為候奄鐸遏寇為上軍尉籍偃為之司馬使訓卒

乘親以聽命

疏此唯有中軍上軍無下軍之官者  
蓋時下軍無闕不別立其官故也

顧氏棟高曰御御正義謂如梁餘子養御罕夷解張  
御郤克之類今案梁由靡始御里克復御韓簡是亦  
御御也春秋時多公自將軍故有公御有御御然晉  
三軍將佐固當各有御右如鄆陵之戰韓厥從鄭伯  
其御杜溷羅曰速從之卻至從鄭伯其右弗翰胡曰  
謀輅之余從之乘而俘以下厥是下軍之將至是新  
軍之佐宣二年傳晉侯伏甲將攻趙盾其右  
提彌明知之是有御御即當復有御右也

又曰案國語以中軍尉為元尉上軍尉為輿尉而傳自有輿尉襄十九年傳軍尉輿尉皆受一命之服是也又襄三十年傳廢其輿尉正義曰服虔云軍尉輿尉主發衆使民于時趙武將中軍若是軍尉當是中軍尉也則中軍尉亦稱輿尉矣

程鄭為乘馬御六駟屬焉使訓羣駟知禮

注乘馬御乘車之僕六駟

六閑之駟周禮諸侯有六閑乘車尚禮容故訓使知禮疏周禮齊僕下大夫掌馭金輅以賓朝覲宗遇饗食皆乘金輅杜言此是乘車之僕蓋當周禮之齊僕晉語謂之贊僕當時之官名耳周禮掌駕之官無名駟者襄二十三年傳稱孟氏之御駟豐點則駟亦御之類月令季秋天子乃教田獵命僕夫七駟咸駕鄭康成云七駟謂趣馬周禮趣馬下士掌駕說之頒是駟為主駕之官駕車以共御者程鄭為乘馬御御之貴者故令掌駕之



官亦屬之

十一月韓獻子為政

襄公三年左氏傳使祁午為中軍尉羊舌赤佐之

魏絳佐新軍

注服虔云于是魏頡卒矣使趙武將新軍代魏頡升魏絳佐新軍代趙武

張老

為中軍司馬士富為候奄

四年左氏傳鄫無賦于司馬

注晉司馬又掌諸侯之賦

九年左氏傳韓厥老矣知瑩稟焉以為政

注代將中軍

范匄

少於中行偃而上之使佐中軍

注使匄佐中軍偃將上軍韓起少於

樂麋而樂麋士魴上之使佐上軍

注麋魴讓起使起佐上軍麋將下軍魴佐

之魏絳多功以趙武為賢而為之佐

注武新軍將

蕙田案此子囊所述晉四軍將佐鄭子展所謂八卿和睦者是也韓厥請老在襄七年魏絳佐新軍在襄三年

十三年左氏傳荀罃士魴卒晉侯蒐于緜上以治兵使荀偃將中軍士匄佐之趙武將上軍韓起佐之樂麋將下軍魏絳佐之新軍無帥晉侯難其人使其什吏率其

卒乘官屬以從於下軍禮也

十四年左氏傳晉舍新軍禮也成國不過半天子之軍周為六軍諸侯之大者三軍可也

程氏啟生曰春秋置六軍者惟晉其外見于傳者吳有中上下三軍又有右軍為四軍如仍有左軍則五軍也楚亦唯中左右三軍齊中上下三軍魯止有二軍季武子欲弱公室作三軍至昭五年而舍之

十六年左氏傳羊舌肸為傅

疏亦當為太傅士會以中軍將兼之故知是孤卿士

渥濁以大夫居之此復代渥濁亦大夫也諸侯之有孤卿猶天子有三公無人則闕故隨其本官高下而兼攝也  
張君臣為中軍司馬祁奚韓襄欒盈士鞅為公族大

夫虞邱書為乘馬御

十九年左氏傳荀偃士臼以中軍克京茲魏絳欒盈以

下軍克邾

注欒黶死其子盈佐下軍

趙武韓起以上軍圍廬弗克

二十年左氏傳公享晉六卿于蒲圃賜之三命之服軍

尉司馬司空輿尉候奄皆受一命之服

范宣子為政

注代荀偃將中軍

二十四年左氏傳晉侯嬖程鄭使佐下軍

二十五年左氏傳齊人賂晉侯以宗器樂器自六正

注三

軍之六卿

五吏三十帥

注五吏文職三十帥武職皆軍卿之屬官

三軍之大夫百

官之正長師旅

注百官之正長羣有司也師旅小將帥

及處守者皆有賂

蕙田案五吏三十帥之名惟見於此

趙文子為政

注代范句

昭公二年左氏傳晉韓宣子來聘且告為政而來見

五年左氏傳遂啟疆曰韓起之下趙成中行吳魏舒范

鞅知盈

注五卿位在韓起下皆三軍之將佐也

蕙田案自襄十九年圍齊以後晉三軍將佐

不得其詳以此傳推之則是時韓起將中軍

趙成佐之中行吳將上軍魏舒佐之范鞅將

下軍荀盈佐之也

九年左氏傳使荀躒佐下軍

注代其父荀盈

十三年左氏傳荀吳以上軍侵鮮虞

二十八年左氏傳魏獻子為政

定公元年左氏傳晉之從政者新

注范獻子新為政

六年左氏傳所不以為中軍司馬者有如先君

注中軍司馬晉

國大夫之  
最尊者

十三年左氏傳上軍司馬籍秦圉邯鄲

顧氏棟高曰國語以中軍司馬為元司馬上軍司馬為與司馬周禮夏官軍司馬下大夫四人與司馬上士八人而晉皆大夫為之不與周禮同

蕙田案晉自范鞅卒後趙氏與范中行相惡定十三年傳有趙鞅士吉射荀寅荀躒韓不信魏曼多六人當為三軍之將佐其位次則無考未幾范中行見逐六卿所存者僅四耳

其後知氏亦亡而三家分晉之勢成矣

又案以上晉六卿及軍將之屬

隱公六年左氏傳翼九宗五正頃父之子嘉父逆晉侯

于隨

注唐叔始封受懷姓九宗職官五正遂世為晉強家五正五官之長九宗九姓為一族也

蕙田案九宗五正其後無聞

閔公元年左氏傳卜偃曰畢萬之後必大

注卜偃晉掌卜大夫

僖公四年左氏傳初獻公欲以驪姬為夫人卜之不吉

筮之吉公曰從筮卜人曰筮短龜長不如從長



僖公四年左氏傳與小臣小臣亦斃

顧氏棟高曰周禮天官之屬有內小臣奄上士四人儀禮賈疏諸侯小臣當天子太僕之事此及成十年傳之小臣皆褻近之臣則是內小臣而非太僕之小臣也

五年左氏傳公使寺人披伐蒲

僖公十年左氏傳殺平鄭祁舉及七輿大夫

注侯伯七命副車七

乘疏每車一大夫主之謂之七輿大夫服虔云上軍之輿帥七人屬申生者往前申生將上軍今七輿大夫為申生報怨炫謂服言是

十五年左氏傳初晉獻公筮嫁伯姬于秦史蘇占之曰

不吉

注史蘇晉卜筮之史

二十四年左氏傳晉侯之豎頭須守藏者也

注豎左右小吏

顧氏棟高曰周禮內豎倍寺人之數掌內外之通令凡小事鄭注使童豎通主內外之命給小事者則此晉侯之豎即周禮之內豎齊寺人貂亦曰豎貂正義曰幼童為內豎之官是也又成十六年傳曰穀陽豎獻飲于子反杜注穀陽子反內豎昭四年傳叔孫穆子使牛為豎哀十五年傳孔氏之豎渾良夫則大夫之家亦有內豎

二十五年左氏傳趙衰為原大夫狐溱為溫大夫

顧氏棟高曰案傳云晉侯問原守于寺人勃鞞則縣邑之長亦謂之守

二十七年左氏傳作執秩以正其官

注執秩主爵秩之官

二十八年左氏傳王命晉侯為侯伯賜之虎賁三百人

注國語云天子有虎賁習武訓諸侯有旅賁禦災害大夫有貳車倫承事士有陪乘告奔走周禮司馬之屬有虎賁氏下大夫二人虎士八百人

二十八年左氏傳曹伯之豎侯孺貨筮史

三十年左氏傳晉侯使醫衍酖衛侯甯俞貨醫使薄其

酖

宣公二年左氏傳宰夫胹熊蹯不熟殺之

蕙田案宰夫即膳宰非周禮天官之宰夫

太史書曰趙盾弑其君以示于朝孔子曰董狐古之良史也書法不隱

初驪姬之亂詛無畜羣公子自是晉無公族

注無公子故廢公族

之及成公即位乃宦卿之適子而為之田以為公族

注宦

仕也為置田邑以為公族大夫

又宦其餘子亦為餘子

注餘子嫡子之母弟也亦治餘

政子之

其庶子為公行

注庶子妾子也掌率公戎行

晉于是有公族餘

子公行

注皆官名

冬趙盾為旌車之族使屏季以其故族為

公族大夫

疏公族之官掌教公之子弟餘子嫡子之母弟亦治餘子之政孔晁注國語云公族大夫

掌公族及卿大夫子弟之官是卿之適子屬公族也餘子主教卿大夫適妻之次子公行不教庶子然則卿大夫之妾子亦是餘子之官教之矣公行掌率公戎車之行列詩魏風有公族公路公行其公族公行既同公路似此餘子但餘子不主路車公路非餘子也當與公行為一以其主君路車謂之公路主車行列謂之公行其實止是一官詩人變文以韻句耳周禮無此三官之名夏官有諸子下大夫二人掌國子之倅事與公族同春官有巾車下大夫二人掌王之五路事與公行同無餘子車皆建旄謂之旄車之族

成公十年左氏傳召桑田巫

使甸人獻麥

注主為饋人為之公田者

顧氏棟高曰周禮天官之屬有甸師掌帥其屬而耕耨王籍以時入之又曰王之同姓有罪則死刑焉鄭注引文王世子公族有罪致刑于甸人則甸人即甸師也又襄三十一年傳甸設庭燎而周禮甸師帥其徒以薪蒸役外內饗之事此甸人為甸師明矣

蕙田案周禮無饋人之名惟晉有之蓋即地

官之饌人也

十七年左氏傳晉范文子反自鄆陵使其祝宗祈死

顧氏棟高曰此亦是家宗人

十八年左氏傳荀家荀會樂厲韓無忌為公族大夫使

訓卿之子弟恭儉孝弟

襄公三年左氏傳魏絳至授僕人書

注僕人晉侯御僕

顧氏棟高曰周禮御僕掌羣吏之逆及庶民之復鄭司農云復謂奏事也逆謂受下奏則此僕人正御僕之職也

請歸死于司寇

蕙田案晉之司寇非卿當以大夫為之

四年左氏傳工歌文王之三

注工樂人

韓獻子使行人子員問之

蕙田案春秋行人以見執書者六皆命卿因  
事而出使惟晉之子員子朱鄭之公孫揮衛  
之子羽乃任行人之職者故特錄之他皆未  
及

十四年左氏傳左史謂魏莊子曰不待中行伯乎

師曠侍于晉侯

注師曠晉  
樂太師

十六年左氏傳祁奚韓襄欒盈士鞅為公族大夫

十八年左氏傳見梗陽之巫臯



二十三年左氏傳唯魏氏及七輿大夫與之

注七輿官名疏僖

十年傳杜謂副車則此七輿大夫杜亦謂主副車之官也劉炫云若是主公車則當情親于公不應曲附藥氏服虔云下軍輿帥七人藥盈將下軍故七輿大夫與藥氏炫謂服言是

顧氏棟高曰僖十年傳七輿大夫之中有左行共華右行賈華時晉猶未置三行則所謂左行右行者猶掌公戎車謂之公行耳杜說未為無據七輿大夫與藥氏蓋盈之黨有為是官者耳魏馱子猶附盈豈得以七輿大夫為疑

二十六年左氏傳秦伯之弟鍼如晉修成叔向命召行人子員行人子朱曰朱也當御

三十年左氏傳絳縣人或年長矣趙孟問其縣大夫則

其屬也

注絳非趙武私邑而云則其屬者蓋諸是公邑國卿分掌之

使為君復陶

注

衣服之官疏昭十二年楚子皮冠秦復陶翠被弱弓復陶之文在冠履之間知復陶是衣也此言君復陶知

是主君衣服之官

以為絳縣師

注縣師掌地域辨其夫家人民疏周禮縣師上士二人掌邦

國都鄙稍甸郊里之地域而辨其夫家人民田畝之數及其六畜車輦之稽凡造都邑量其地而制其域以歲時徵野之貢賦天子之縣師掌此數事則諸侯之縣師亦然

昭公元年左氏傳晉侯有疾卜人曰實沈臺駘為祟

九年左氏傳晉侯飲酒樂膳宰屠蒯趨入請佐公司尊

而遂酌以飲工

注工即師曠

十四年左氏傳士景伯如楚叔魚攝理

注士景伯晉理官

十五年左氏傳王謂籍談曰昔而高祖孫伯黶司晉之

典籍以為大政故曰籍氏及辛有之二子董之晉于是

乎有董史女司典之後也何故忘之

注辛有周人也其二子適晉為大史

籍黶與之共董督晉典因為董氏董狐其後

十七年左氏傳晉荀吳帥師涉自棘津使祭史先用牲

于雒

顧氏棟高曰祭史當即祝史又襄二十七年傳叔向稱范武子祝史陳信于鬼神是大夫之家亦有祝史

二十八年左氏傳魏獻子為政分祁氏之田以為七縣分羊舌氏之田以為三縣司馬彌牟為鄔大夫賈辛為祁大夫司馬烏為平陵大夫知徐吾為塗水大夫韓固為馬首大夫孟丙為孟大夫樂霄為銅鞮大夫趙朝為平陽大夫僚安為楊氏大夫

哀公四年左氏傳使謂陰地之命大夫士蔑

注命大夫別縣監尹

疏若是典邑大夫則當以邑名冠之乃言陰地之命大夫則是特命大夫使總監陰地以其去國遙遠別為

監置

九年左氏傳趙鞅卜救鄭占諸史趙史墨史龜

顧氏棟高曰周禮占人職曰凡卜筮史占墨禮記玉藻曰卜人定龜史定墨君定體又月令命太史掌三《龜》三《策》占兆審卦吉凶則卜筮之事雖太卜等官專掌而太史亦蒞其事故周太史及晉史趙諸人並以占卜見或謂春秋時稍稍侵官殆未然也

### 蕙田案以上晉

桓公六年左氏傳宋以武公廢司空

注武公名司空廢為司城

文公十一年左氏傳初宋武公之世鄭瞞伐宋司徒皇

父帥師禦之而班御皇父充石公子穀甥為右司寇牛  
父駟乘以敗狄于長丘

蕙田案此二事在春秋以前

桓公二年左氏傳宋殤公立十年十一戰孔父嘉為司  
馬督為大宰

顧氏棟高曰文七年傳宋六卿和公室及哀二十六  
年傳六卿三族降聽政並以左師右師司馬司徒司  
城司寇為六卿成十五年傳華元曰我為右師君臣  
之訓師所司也是宋以右師為政卿也太宰在六官  
之下而此傳云遂相宋公蓋非常制又案僖九年傳  
宋襄公即位以公子目夷為仁使為左師以聽政于

是宋治襄九年宋災傳樂喜為司城以為政正義曰  
子罕賢知故特使為政齊任管夷吾魯任叔孫婁皆  
位卑而執國政哀二十六年傳司城為  
上卿是宋亦有以左師司城執政者矣

僖公九年左氏傳以公子目夷為仁使為左師以聽政  
故魚氏世為左師

蕙田案自成十五年魚石奔楚乃以向戌代  
之向氏亦桓族與魚氏同所自出

十九年左氏傳司馬子魚

二十二年左氏傳楚人伐宋以救鄭宋公將戰大司馬

固諫

注大司馬固莊公之孫公孫固也

顧氏棟高曰案下文戰于泓司馬曰彼衆我寡杜以爲子魚史記宋世家前後皆作子魚之言又文七年傳殺公孫固公孫鄭于時樂豫爲司馬列于六卿則固非卿明矣顧寧人謂大司馬即子魚則固諫當爲固請之義孔疏謂六卿之外別有孤卿宋上公禮得有孤蓋附杜而爲之說也又案宋六卿自殤公以前則大司馬執政華督殺司馬孔父遂以太宰相襄公即位子魚以左師聽政而傳文始終稱司馬子魚疑是時始立左右二師而子魚以司馬兼左師後遂爲專官也

文公七年左氏傳於是公子成爲右師公孫友爲左師樂豫爲司馬鱗臄爲司徒公子蕩爲司城華御事爲司



寇

注傳言六卿皆公族

六卿和公室樂豫舍司馬以讓公子卬

蕙田案宋六卿始見於此

八年宋人殺其大夫司馬宋司城來奔左氏傳殺大司馬公子卬司馬握節以死故書以官司城蕩意諸來奔效節于府人而出公以其官逆之亦書以官皆貴之也十五年宋司馬華孫來盟左氏傳宋華耦來盟其官皆從之書曰宋司馬華孫貴之也

蕙田案春秋大夫以官名書於經者惟宋有

之程子謂宋王者後得自命卿故書疑或然也

十六年左氏傳於是華元為右師公孫友為左師華耦為司馬鱗矐為司徒蕩意諸為司城公子朝為司寇文公即位使母弟須為司城華耦卒而使蕩虺為司馬十八年左氏傳使公孫師為司城樂呂為司寇

成公十五年左氏傳於是華元為右師魚石為左師蕩澤為司馬華喜為司徒公孫師為司城向為人為大司

冠鱗朱為少司寇向帶為大宰魚府為少宰華元使華

喜公孫師帥國人攻蕩氏殺子山左師二司寇二宰遂

出奔楚

注四大夫不書獨魚石告疏服虔云魚石卿故書以為四人非卿故不書杜不然者向為人

為大司寇亦是卿也若五人皆告為卿則書向為人亦當書之何以獨書魚石杜言獨以魚石告正為向為人

不書故也或少司寇二宰等六卿之外亦是卿官合書名氏猶如魯之三卿外別有公孫嬰齊臧孫許但非如

六卿等世掌國政也

華元使向戌為左師老佐為司馬樂裔為司

寇以靖國人

襄公九年左氏傳宋災樂喜為司城以為政

注樂喜子罕也為政

卿疏傳言宋六卿之次皆云右師左師司馬司徒司城司寇則當右師為政卿今言樂喜為政卿者蓋宋以華閱是華元之子元有大功使閱繼其父耳子罕賢知故特使為政齊任管夷吾魯任叔孫婁皆位卑而執國政此亦使伯氏司里注司里里宰疏周禮里宰每然也里下士一人謂六遂之內二十

五家之長也此言司里謂司城內之民若今城內之坊里也里必有長不知其官之名周禮有里宰故以宰言之非是郊外之民使華臣具正徒注時為司徒疏二十五家之長也周禮大司徒掌徒

庶之政令小司徒凡用衆庶則掌其政教凡國之大事致民是司徒掌役徒也言具正徒司里所使隧正所納皆是臨時調民而役之若今之夫役司徒所具正徒者常供官役若今之正丁也令隧正納

郊保奔火所注隧正官名也五縣為隧使華閱討疏此隧正當天子之遂大夫

右官官庀其司向戍討左亦如之

注閏華元子代元為右師向戍左師

使樂造庀刑器

注樂造司寇

使皇鄭命校正出馬工正出

車備甲兵庀武守

注校正主馬工正主車疏車馬甲兵司馬之職使皇鄭掌此鄭必是司

馬也校正主馬於周禮為校人是司馬之屬官也周禮司馬之屬無主車之官巾車車僕職皆掌車乃為宗伯之屬昭四年傳云夫子為司馬與工正書服是諸侯之官司馬之屬有工正主車也使西鉏吾

庀府守

注鉏吾太宰也疏鉏吾太宰傳無其文周禮太宰之職掌建邦之六典杜以府為六官之典

故使具官守劉以為府庫守藏今知不然者以百司府藏已屬左右二師上華閱討右官官庀其司向戍討左亦如之則府庫之物二師總令羣官所主哀三年魯灾出禮書御書藏象魏皆以典籍為重明此府守是六官

之典

令司宮巷伯儆宮

注司宮奄臣巷伯寺人皆掌宮內之事疏周禮無司宮巷伯

之官惟有內小臣奄上士四人鄭云奄稱士者異其賢也奄人之官此為最長則司宮當天子之內小臣也周

禮又云寺人王之正內五人鄭云正內路寢也王肅云今後宮稱永巷是巷者宮內道也伯長也是宮內門巷

之長故知巷伯是寺人也

二師使四鄉正敬享

注鄉正鄉大夫疏周禮鄉大夫每

鄉鄉一人天子六鄉即以鄉為之長此傳云二師使四鄉正則別立鄉正非鄉典之但其所職掌當天子之鄉大夫耳周禮鄉為一軍宋大國不過三軍而有四鄉者當時所立非正法也

祝宗用馬于

四墉祀盤庚于西門之外

注祝大祝宗宗人

顧氏棟高曰宋雖立六卿而無宗伯周禮小宗伯掌建國之神位大裁及執事禱祠于上下神祇鄭注曰

執事大祝及男巫女巫也小宗伯與執事共禱祀春秋時多祝宗並稱則諸侯之宗人當周禮小宗伯之職也

蕙田案國語單襄公云火之初見期於司里司里主營造土功之事蓋司空之屬樂喜為司城故首命之杜以為里宰者非也

十七年左氏傳皇國父為太宰

二十七年左氏傳宋人享趙文子叔向為介司馬置折

俎禮也

注周禮司馬掌會同之事

二十九年左氏傳宋司徒見知伯

注司徒華定也

昭公六年左氏傳華合比奔衛華亥欲代右師乃與寺

人柳比公使代之

注代合比為右師

十九年左氏傳少司寇慆

注慆華亥庶兄

二十年左氏傳宋華費遂生華貍華多僚華登貍為少

司馬多僚為御士

注公御士

公曰司馬以吾故亡其良子

注謂費遂

為大司馬

二十一年左氏傳宋公使公孫忌為大司馬

注代華費遂



印為大司徒

注代華定

樂祁為司城仲幾為左師

注代向寧

樂大

心為右師

注代華亥

樂輓為大司寇

蕙田案宋於司馬司寇之外又有少司馬少

司寇此傳云大司徒則當有少司徒矣

襄公二十六年左氏傳寺人惠墻伊戾為太子內師而無寵

疏內師身為寺人之官公使之監知太子內事為在內人之長也

左師見夫人之步馬者問之對曰君夫人氏也左師曰

誰為君夫人余胡弗知圉人歸以告夫人

昭公六年左氏傳寺人柳有寵太子佐惡之

二十一年左氏傳公使寺人召司馬之侍人宜僚

子祿御公子城莊莖為右干鞞御呂封人華豹張句為

右

注呂邑封人官

哀公十四年左氏傳迹人來告曰逢澤有介麋焉

注迹人主

迹禽獸者

疏周禮地官迹人掌邦田之政凡田獵者受令焉鄭云迹之言跡知禽獸之處也

二十六年左氏傳六卿三族降聽政因大尹以達大尹

常不告而以其欲稱君以令

注大尹近官有寵者

大尹使祝為載書祝襄以載書告皇非我

顧氏棟高曰周禮詛祝掌盟詛作盟詛之載辭鄭司農引此傳為証

門尹得

顧氏棟高曰國語敵國賓至闕尹以告門尹除門周禮地官之屬司門下大夫二人司闕上士二人中士四人鄭司農以司闕為闕尹則門尹當即周禮之司門也

蕙田案以上宋

莊公九年左氏傳鮑叔曰管夷吾治于高傒使相可也  
二十二年左氏傳陳公子完奔齊桓公使為工正

注掌百工

之官

僖公十二年左氏傳齊侯使管仲平戎于王王以上卿之禮饗管仲管仲辭曰臣賤有司也有天子之二守國

高在

注國子高子天子所命為齊守臣皆上卿也

管仲受下卿之禮而還

注卒受本位之禮

成公十八年左氏傳慶封為大夫慶佐為司寇

蕙田案齊之司寇非卿

襄公二十五年左氏傳慶封為左相

顧氏棟高曰案史記齊世家景公立以崔杼為右相是齊高國二卿之外于時復立左右二相

蕙田案左傳載齊之官制甚略所可見者惟國高二子世為上卿然亦不詳其官名至二上卿之外別立二相亦他國所無也國語稱桓公使鮑叔為宰韋昭以為太宰也則齊又有太宰矣

僖公二年左氏傳齊寺人貂始漏師于多魚

十七年左氏傳雍巫有寵于衛共姬因寺人貂以薦羞

于公

注雍人名  
巫即易牙

成公二年左氏傳邴夏御齊侯逢丑父為右齊師敗鄭周父御佐車宛茂為右載齊侯以免

齊侯自齊闕入辟女子女子曰君免乎曰免矣曰銳司

徒免乎曰免矣

注銳司徒  
主銳兵者

既而問之辟司徒之妻也

注辟

司徒主  
壘壁者

成公十八年左氏傳齊侯使士華免以戈殺國佐于內

宮之朝

注士者士官  
也掌刑政

襄公二十三年左氏傳齊侯伐衛先驅穀榮御王孫揮  
召揚為右申驅成秩御莒恒申鮮虞之傳摯為右曹開  
御戎晏父戎為右貳廣上之登御邢公盧蒲癸為右啟  
牢成御襄罷師狼遽疏為右肱商子車御侯朝桓跳為  
右大殷商子游御夏之御冠崔如為右燭庸之越駟乘

顧氏棟高曰公御  
曰御戎餘但稱御

二十五年左氏傳祝佗父祭于高唐

申蒯侍漁者

注侍漁監  
取魚之官

顧氏棟高曰周禮獻人掌以時獻為梁凡獻者掌其政令此侍漁當周禮之獻人也

太史書曰崔杼弑其君崔子殺之其弟嗣書而死者二人其弟又書乃舍之南史聞太史盡死執簡以往聞既書矣乃還

孔氏穎達曰南史是佐太史者當是小史也居在南故謂之南史耳

二十七年左氏傳崔子使圉人駕寺人御而出

注圉人養馬者

寺人奄士

蕙田案圉人寺人皆大夫家臣二十八年陳



氏鮑氏之圉人為優亦同

二十八年左氏傳公膳日雙雞饗人竊更之以鶩

昭公二十年左氏傳君盍誅于祝固史嚚疏服虔云祝固齊太祝史

嚚太史也

山林之木衡鹿守之澤之萑蒲舟鮫守之藪之薪蒸虞

侯守之海之鹽蜃祈望守之注衡鹿舟鮫虞侯祈望皆官名也疏周禮司徒之

屬有林衡之官掌巡林麓之禁此置衡鹿以守山林是也舟行水之器鮫大魚之名澤中有水有魚故以舟鮫為官名也周禮山澤之官皆名為虞每大澤大藪中士四人藪是少水之澤立官使之候望故以虞侯為名海

是水之大神有時祈望祭之因以祈望為主海之官此皆齊自立名故與周禮不同

齊侯田于沛招虞人以弓

二十七年左氏傳齊侯飲公酒使宰獻而請安

疏公燕大夫之

禮公雖親在而別有主人鄭云主人者宰夫也宰夫太宰之屬掌賓客之獻飲食者也君于其臣雖為賓不親獻以其尊莫敢抗禮今齊侯與公飲酒而使宰獻是比公于大夫也

哀公六年左氏傳鮑子醉而往其臣差車鮑點

注差車主車之

官

蕙田案此亦大夫之家臣

二十一年左氏傳公及齊侯邾子盟于顧公先至于陽穀齊閭邱息曰為僕人之未次請除館于舟道辭曰敢勤僕人

顧氏棟高曰杜注以次為次舍則此僕人當如鄭之外僕掌次舍者

蕙田案以上齊

僖公七年左氏傳鄭有叔詹堵叔師叔三良為政

襄公二年左氏傳於是子罕當國

注攝君事

子馬為政

注為正卿

子國為司馬

九年左氏傳同盟于戲鄭六卿公子駢公子發公子嘉

公孫輒公孫董公孫舍之及其大夫門子皆從鄭伯

注門

子卿之適子疏周禮小宗伯掌三族之別以辨親疎其正室皆謂之門子鄭云正室適子也將代父當門者也是卿之適子為門子也

十年左氏傳于是子駟當國子國為司馬子耳為司空

子孔為司徒子孔當國為載書以位序聽政辟大夫

諸司門子弗順

十一年左氏傳鄭使良霄太宰石癸如楚

程氏啟生曰石與為良霄之  
介則太宰之官非鄭所重矣

十四年左氏傳鄭司馬子嶠

十九年左氏傳鄭人使子展當國子西聽政立子產為

卿

二十二年左氏傳鄭人使少正公孫僑對

注少正鄭卿  
疏十九

年傳云立子產為卿知少正是鄭之卿  
官春秋之時官名變改周禮無此名也

二十六年左氏傳鄭伯賞入陳之功享子展賜之先路

三命之服先八邑賜子產次路再命之服先六邑子產

辭邑曰自上下以降殺以兩禮也臣之位注上在四

子展次

卿子西十一年良霄見經十九年乃立子產為卿故位在四

且子展之功也臣不敢

及賞禮請辭邑公固予之乃受三邑

子太叔為令正

注主作辭令之正

二十七年左氏傳鄭伯享趙孟于垂隴子展伯有子西子產子太叔二子石從

蕙田案鄭有六卿此傳七子之中惟公孫段未為卿三十年傳伯有既死使太史命伯石

為卿可證也

二十九年左氏傳鄭子展卒子皮即位

注子皮代父為上卿

罕

氏常掌國政以為上卿

三十年左氏傳鄭子皮授子產政

伯有既死使太史

命伯石為卿辭太史退則請命焉復命之又辭如是三

乃受策入拜子產是以惡其為人也使次已位

注畏其作亂故

寵之

顧氏棟高曰案周禮策命之事掌于內史今鄭以太史主之孔疏以為諸侯兼官無內史然尚書酒誥太

史友內史友則諸侯得立  
內史或鄭令太史兼攝耳

昭公元年左氏傳趙孟曰武請于冢宰矣

注冢宰  
子皮

顧氏棟高曰冢宰執政之美稱猶南遺稱季孫  
為冢卿士會稱蒞教為宰非鄭獨設冢宰之官

六月鄭伯及其大夫盟于公孫段氏罕虎公孫僑公孫  
段印段游吉駟帶私盟于閨門之外賈董隧公孫黑強

與于盟使太史書其名且曰七子

注自欲同于六  
卿故云七子

二年左氏傳子產曰不速死司寇將至

十六年左氏傳鄭六卿餞宣子于郊



蕙田案六卿謂子釐子產子太叔子游子旗  
子柳也罕氏世為上卿故子產雖執國政而  
位次猶在子釐之下

十八年左氏傳鄭火子產使司寇出新客禁舊客勿出  
于宮

司馬司寇列居火道

注脩非常也

顧氏棟高曰鄭六卿其名可見者司馬司空司徒三  
官襄二年傳云子罕當國子駟為政子國為司馬十  
年傳云子駟當國子國為司馬子耳為司空子孔為  
司徒盜殺子駟子國子耳子孔當國十九年傳云鄭

人使子展當國子西聽政立子產為卿三十年傳云  
子皮授子產政曰虎帥以聽誰敢犯子子產為政是  
鄭卿最尊者當國當國之下復有為政一人此二卿  
未知以何名命之子產以少正為卿則六卿之中當  
有少正又與  
宋六官不同

蕙田案昭十八年傳司寇與司馬並稱疑司  
寇亦卿也

隱公元年左氏傳穎考叔為穎谷封人疏周禮封人掌  
為畿封而樹之

鄭康成云畿上有封若今時界也天  
子封人職典封疆諸侯封人亦然

桓公十一年左氏傳祭封人仲足

蕙田案周禮封人以中下士為之祭仲鄭之

正卿下兼封人之職

莊公十四年左氏傳原繁曰先君桓公命我先人典司

宗祏

顧氏棟高曰案此當亦是宗人之官

文公十七年左氏傳鄭子家使執訊而與之書

注執訊通訊問

之官

宣公四年左氏傳宰夫將解黿

成公十六年左氏傳石首御鄭成公唐苟為右

襄公十一年左氏傳鄭人納賂晉侯以師悝師觸師蠲  
十五年左氏傳鄭人納賂于宋以馬四十乘與師伐師  
慧

二十二年左氏傳鄭公孫黑肱有疾召室老宗人立段

顧氏棟高曰  
此家宗人也

蕙田案室老大夫之宰儀禮所謂貴臣也

二十八年左氏傳子產相鄭伯以如楚舍不為壇外僕

言曰昔先大夫相先君適四國未嘗不為壇

注外僕掌火舍者

蕙田案僖三十三年傳有外僕髡屯

三十年左氏傳伯有因馬師諷介於襄庫

子皮以公孫鉏為馬師

三十一年左氏傳北宮文子相衛襄公以如楚過鄭入

聘子羽為行人

昭公二年左氏傳公孫黑請以印為褚師

注市官也

顧氏棟高曰周禮地官自司市以下質人廛人胥師賈師司醵司稽肆長皆掌市政而無褚師成三年傳

知蠶之在楚也鄭賈人有將置諸褚中以出六書故褚以貯衣然則褚師之職或當如王制所云布帛精粗不中數幅廣狹不中量不鬻于市者而褚師掌其禁歟

七:left氏傳朔于敝邑亞大夫也其官馬師也

十二:left氏傳司墓之室有當道者

注掌公墓大夫徒屬之家疏周禮

墓大夫下大夫二人中士八人掌凡邦墓之地域為之圖令國民族葬鄭之司墓亦當如彼

十三:left氏傳子產命外僕速張于除

十六:left氏傳孔張後至立于客間執政禦之

注執政掌位列

者

十八年左氏傳使公孫登徙大龜

注登開卜大夫

使祝史徙

主柩于周廟告于先君使府人庫人各徹其事商成

公徹司宮

注司宮巷伯寺人之官

出舊宮入寘諸火所不及明

日使野司冠各保其徵

注縣士也野者周禮司冠屬官有縣士掌

疏謂司冠之官在

野知野司冠是縣士也縣士職曰各掌其縣之民數若邦有大役聚衆庶則各掌其縣之禁令知諸侯縣士亦當然也

郊人助祝史除于國北禳火于元冥回祿使

行人告于諸侯

蕙田案以上鄭

隱公四年左氏傳衛人使右宰醜涖殺州吁于濮

閔公二年左氏傳狄人伐衛渠孔御戎子伯為右黃夷  
前驅孔嬰齊殿及狄人戰于熒澤

狄人囚史華龍滑與禮孔二人曰我太史也實掌其祭

顧氏棟高曰周禮太史大祭祀與執事卜日  
祭之日執書以次位常是太史掌祭祀也

僖公二十八年左氏傳衛侯與元咺訟士榮為大士

注大

士治獄官也疏以其主獄事  
故使與晉之獄官對理質証

襄公十四年左氏傳獻公飲孫蒯酒使太師歌巧言之



卒章太師辭師曹請為之

注太師掌樂大夫師曹樂人

公使祝宗告亡

右宰穀從而逃歸

二十七年左氏傳以公孫免餘為少師公使為卿辭曰太叔儀不貳能贊大事乃使文子為卿

蕙田案傳所稱則少師非卿

二十九年左氏傳史鰌

顧氏棟高曰傳中如鰌及史朝史狗杜注無明文論語史魚朱子集注史官名或是太史也

昭公二十一年左氏傳衛公孟縶狎齊豹奪之司寇

注齊豹齊

惡之子為衛司寇

公孟惡褚師圃

華齊御公孟宗魯駟乘慶比御公公南楚駟乘及公宮

鴻駟駟駟乘于公

顧氏棟高曰駟乘周禮謂之陪乘蓋即車右也

褚師子申遇公于馬路之衢

定公四年左氏傳其使祝佗從

注祝佗大祝子魚

哀公十二年左氏傳謀于行入子羽

注子羽  
衛大夫

十五年左右氏傳先謂司徒瞞成

十六年左右氏傳衛侯占夢嬖入與卜人比而告公

顧氏棟高曰周禮

占夢中士四人

十七年左右氏傳衛侯夢于北宮公親筮之胥彌赦占之

注赦  
筮史

二十五年左右氏傳公之入也奪司寇亥政

公納夏戊之女嬖以為夫人其弟期少畜于公以為司

徒

公因祝史揮以侵衛

注揮衛祝史

蕙田案春秋傳書衛官名甚略其可見者惟  
司徒瞞成見于續經知其為卿傳云奪司寇  
亥政則司寇亦卿也

又案以上衛

襄公十七年左氏傳司徒印

二十五年左氏傳祝祓社司徒致民司馬致節司空致

地乃還

注陳亂故正其衆官修其所職以安定之

昭公八年左氏傳司徒招

哀公十一年左氏傳初轅頗為司徒

蕙田案以上陳

襄公八年左氏傳獲蔡司馬公子燮

二十六年左氏傳蔡太師子朝

蕙田案以上蔡

哀公七年左氏傳曹伯陽寵公孫疆使為司城以聽政

程氏啟生曰司城宋官曹不應有蓋曹後  
衰弱奉宋之政令已久其見滅于宋宜矣

蕙田案以上曹

莊公三十二年左氏傳神居莘虢公使祝應宗區史囂

享焉

注祝太祝宗  
宗人史大史

蕙田案以上虢

桓公六年左氏傳隨人使少師董成

八年左氏傳楚伐隨戰于速杞隨師敗績隨侯逸鬬丹

獲其戎車與其戎右少師

蕙田案以上隨

桓公十一年左氏傳楚屈瑕將盟貳軫鄭入軍于蒲騷

莫敖患之

注莫敖楚官名即屈瑕

莊公四年左氏傳令尹鬬祁莫敖屈重

哀公十七年左氏傳子穀曰彭仲爽申俘也文王以為

令尹

顧氏棟高曰仲爽為令尹當在鬬祁之後子元之前楚令尹見傳者二十八人惟仲爽申俘餘皆王族也

莊公十八年左氏傳初楚武王克權使鬬緡尹之以叛

圍而殺之遷權于那處使閭敖尹之

十九年左氏傳鬻拳自刖楚人以為大閹謂之大伯

注若

今城門校尉官疏周禮天官閹入掌守王宮之中門之禁鄭云閹人司昏晨以啟閉者秋官掌戮墨者使守門則者使守圉則閹不使則而鬻權得為閹者周禮地官之屬有司門下大夫二人掌授管鑰以啟閉國門若今城門校尉主王城十二門此注亦云若今城門校尉官然則鬻權本是大臣楚入以其賢而使典此職非為刑而役之當如地官之司門非天官之閹入

二十八年左氏傳令尹子元

三十年左氏傳鬬穀於菟為令尹



僖公二十三年左氏傳成得臣帥師伐陳子文以為之  
功使為令尹

二十六年左氏傳楚令尹子玉司馬子西帥師伐宋  
二十八年左氏傳子玉以若敖之六卒將中軍子西將  
左子上將右

蕙田案春秋時楚亦為三軍其軍將出於臨  
時簡擇城濮之役子玉以令尹將中軍子西  
以司馬將左軍邲之役則沈尹將中軍而令

尹孫叔敖不為軍帥鄢陵之役則子反以司馬將中軍子重以令尹將左軍皆無一定之例也

為呂臣實為令尹

三十三年左氏傳楚令尹子上侵陳蔡

文公元年左氏傳穆王立以其為太子之室與潘崇使

為太師且掌環列之尹

注環列之尹宮衛之官列兵而衛王宮

十年左氏傳成王使子西為商公沿漢沂江將入郢王

在渚宮下見之懼而辭曰臣免于死又有讒言謂臣將

逃臣歸死于司敗也

注陳楚名司冠為司敗

王使為工尹

注掌百工之官

又與子家謀弑穆王五月殺鬬宜申及仲歸

蕙田案定四年唐人竊馬而獻之自拘于司

敗則唐亦有司敗不獨楚與陳也

又案子西以工尹而名見於經則楚以工尹

為卿官矣宣四年傳為賈為工正亦是貴臣

疑工尹與工正即一官也擅弓載工尹商陽

之言曰朝不坐燕不與則商陽乃是下士蓋

官名隨時改易尊卑無定耳

楚子田孟諸宋公為右孟鄭伯為左孟期思公復遂為

右司馬子朱及文之無畏為左司馬

注將獵張兩甄故置二左司馬然則

右司馬一人當中央

十二年左氏傳令尹大孫伯卒成嘉為令尹

宣公四年左氏傳及令尹子文卒鬬班為令尹子越為司馬為賈為工正譖子揚而殺之子越為令尹已為司

馬

蕙田案傳自子文授政子玉以後繼之者為  
呂臣子上大孫伯成嘉凡五人鬪般為令尹  
當在成嘉之後非即繼子文而為令尹也

其孫箴尹克黃

注箴尹  
官名

十一年左氏傳楚左尹子重侵宋 令尹為艾獵城沂

使封人慮事

注封人其時主築城者 疏周禮封人凡  
封國封其四疆造都邑之封域者亦如之

大司馬大役與慮事受其要以待攷而賞誅鄭云慮事  
者封人也于有役司馬與之屬賦丈尺與其用人數也

是封入主造城邑計度入  
數故云其時主築城者

以授司徒

注司徒掌役

蕙田案楚亦有司徒司敗大宰少宰之官而

不為卿

十一年左氏傳諸侯縣公皆慶寡人

注楚縣大夫皆僭稱公

蕙田案楚縣公之名見於傳者如息公子朱

申公巫臣期思公復遂申公壽餘葉公諸梁

白公勝及子西為商公棄疾為蔡公之類與

縣尹似少不同

十二年左氏傳為教為宰

注宰令尹為教孫叔敖疏周禮六卿大宰為長遂以宰

為上卿之號楚臣令尹為長故從他國論之謂令尹為宰楚國仍別有大宰之官但位任卑耳傳稱太宰伯州犁是也

沈尹將中軍子重將左子反將右

注沈或作寢寢縣也

楚少宰如晉師

注少宰官名

楚許伯御樂伯攝叔為右以致晉師

楚子為乘廣三十乘許偃御右廣養由基為右彭名御

左廣屈蕩為右

注楚王更迭載之故各有御右

工尹齊將右拒卒以逐下軍

射連尹襄老

成公二年左氏傳楚令尹子重為陽橋之役彭名御戎

蔡景公為左許靈公為右

疏諸言御戎皆御君之戎車若君親在車則當居中御者

居左勇力之士在右故御戎戎右常連言之此王車雖行玉身不在故不立戎右使御者在中今蔡許二君居王車上當左右之位

七年左氏傳殺清尹弗忌

九年左氏傳晉侯觀于軍府見鐘儀問其族對曰潒人



也

注冷入樂官疏詩簡兮序云衛之賢者仕于冷官鄭云冷官樂官也冷氏世掌樂官而善焉故後世名

樂官為冷官

十年左氏傳晉侯使使糴穀如楚報大宰子商之使也

十六年左氏傳司馬將中軍

注子反

令尹將左

注子重

右尹

子辛將右

子重使太宰伯州犁侍于王後

彭名御楚共王潘黨為右

楚子使工尹襄問之以弓

襄公二年左氏傳楚公子申為右司馬

三年左氏傳楚子辛為令尹

楚司馬公子何忌侵陳

五年左氏傳楚子囊為令尹

十二年左氏傳楚司馬子庚聘于秦

十五年左氏傳楚公子午為令尹公子罷戎為右尹為

子馮為大司馬公子橐師為右司馬公子成為左司馬

屈到為莫敖公子追舒為箴尹屈蕩為連尹養由基為

宮廢尹

疏服虔云連尹射官言射相連屬也若是主射當使養由基為之何以使由基為宮廢尹棄能

不用豈得為能官人官名臨時所作莫敖之徒並不可解故杜皆不解之

十八年左氏傳揚豚尹宜

十九年左氏傳鄭子革出奔楚為右尹

二十一年左氏傳楚子使子南為令尹

二十二年左氏傳子南之子棄疾為王御士

遂子馮為令尹公子齕為司馬屈建為莫敖

二十五年左氏傳屈建為令尹屈蕩為莫敖

楚為掩為司馬子木使庀賦數甲兵為掩書土田度山林鳩藪澤辨京陵表淳鹵數疆潦規偃豬町原防牧隰臯井衍沃量入脩賦賦車籍馬賦車兵徒卒甲楯之數既成以授子木禮也

二十七年左氏傳申鮮虞來奔楚入召之遂如楚為右尹

二十九年左氏傳王子圍為令尹

昭公元年左氏傳右尹子干出奔晉宮廋尹子皙出奔

鄭

楚遠罷為令尹遂啟疆為大宰

四年左氏傳楚沈尹射奔命于夏汭箴尹宜咎城鍾離  
五年左氏傳楚子曰若吾以韓起為闔而以羊舌肸為  
司宮足以辱晉

顧氏棟高曰周禮闔人王宮每門四人圍游亦如之  
次內小臣之下寺人之上記曰深宮固門闔寺守之  
是闔與奄寺雖不同皆以刑人而掌近職又昭七年  
傳楚子為章華之宮無宇之闔入焉而宋亦有司馬  
之侍人齊有崔子之侍人  
此大夫之家亦有闔寺也

楚子以屈生為莫敖 沈尹赤會楚子次于萊山 使

沈尹射待命于巢

六年左氏傳吳人獲宮殿尹棄疾

七年左氏傳芋尹無宇

疏芋草名哀十五年陳有芋尹蓋皆以草名其官不知何故

顧氏棟高曰陳近楚設官多相效論語有陳司敗司敗之官亦唯楚有之

十二年左氏傳楚子使蕩侯潘子司馬督囂尹午陵尹

喜帥師圍徐

右尹子革夕

程氏啟生曰子辛子重俱以貴介為左右尹出將重  
兵其後並為令尹則左右尹蓋亦楚之尊官襄公以  
後漸用羈人稍稍降矣子革自襄十九年奔楚為右  
尹至昭十二年仍為此官而中間為右尹者又有子  
干或楚此官不止一人或子革先為右尹去任他職  
而子干代之及子干出奔而子革仍為右尹未可知  
工尹路請曰君王命剥圭以為戚秘

### 左史倚相趨過

十三年左氏傳王奪成然邑而使為郊尹

注郊尹治郊竟大夫

蔡公因正僕人殺大子祿及公子罷敵

注正僕大子之近官疏正僕

人即大僕也周禮下大夫二人

公子比為王公子黑肱為令尹公子棄疾為司馬

棄疾即位使子旗為令尹

觀從曰臣之先佐開卜乃使為卜尹

十七年左氏傳吳伐楚陽句為令尹卜戰不吉司馬子

魚曰我得上游何故不吉

十八年左氏傳楚左尹王子勝

十九年左氏傳楚工尹赤遷陰于下陰

二十一年左氏傳太宰犯



二十三年左氏傳楚司馬薳越追之

楚囊瓦為令尹

二十七年左氏傳楚莠尹然王尹麇帥師救潛

注二尹楚官

疏楚官多以尹為名知二尹是官名耳服虔云王尹主宮內之政未必然定本王作工

左司馬沈

尹戍帥都君子與王馬之屬以濟師

注都君子在都邑之士有復除者王

馬之屬王之養馬官屬校人也

左尹卻宛工尹壽帥師至于潛

鄢將師為右領

注右領官名

左尹與中廐尹莫知其罪而子殺之

注左尹卻宛也中廐尹陽令終

殺連尹奢

三十年左氏傳使監馬尹大心逆吳公子使居養

三十一年左氏傳左司馬戍右司馬稽帥師救弦

定公四年左氏傳鍼尹固與王同舟

五年左氏傳藍尹亶涉其帑

王以季芊妻鍾建以為樂尹

注司樂大夫

六年左氏傳令尹子西喜曰乃今可為矣

哀公四年左氏傳左司馬販致蔡於負函

十六年左氏傳沈諸梁兼二事

注令尹司馬

國寧乃使寧為

令尹寬為司馬

顧氏棟高曰子西為令尹子期必是司馬二人見殺故諸梁兼攝其事寧即子西子子國哀十八年傳初

右司馬子國之卜也觀瞻曰如志故命之是子國自右司馬遷令尹寬則子期子各代其父也

十七年左氏傳楚子問帥于太師子穀與葉公諸梁子

穀曰右領差車與左史老皆相令尹司馬以伐陳其可

使也王卜之武城尹吉

注武城尹子西子公孫朝

十八年左氏傳初右司馬子國之卜也觀瞻曰如志

注觀

瞻楚聞  
卜大夫

王曰寢尹工尹勤先君者也

注栢舉之役寢尹吳由于以背受戈工尹固執燧象

奔吳師皆為先君勤勞

蕙田案十六年傳稱箴尹固蓋自箴尹遷工

尹

又案以上楚

成公七年左氏傳巫臣請使于吳乃通吳于晉寘其子狐庸焉使為行人于吳

定公四年左氏傳伍負為吳行人以謀楚

伯州犂之孫嚭為吳太宰以謀楚

哀公十一年左氏傳戰于艾陵吳子謂叔孫曰而事何

也對曰從司馬

注從吳司馬所命

十二年左氏傳衛人殺吳行人且姚而懼

蕙田案以上吳

僖公十五年左氏傳秦伯伐晉卜徒父筮之

注秦之掌龜卜者

成公二年左氏傳公及秦右大夫說盟于蜀

十年左氏傳晉侯求醫于秦秦伯使醫緩為之

十三年左氏傳獲秦成差及不更女父

疏漢書稱商君為法於秦戰斬

一首者賜爵一級其爵名一為公士二上造三簪裏四不更五大夫六公大夫七官大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大車庶長十九闕內侯二十徹侯案傳此有不更女父襄十一年有庶長鮑庶長武春秋之世已有此名蓋後世以漸增之商君定為二十非是商君盡新作也其名之義難得而知耳

襄公十一年左氏傳秦右大夫詹帥師從楚子

秦庶長鮑庶長武帥師伐晉以救鄭

注庶長秦爵也

十二年左氏傳秦庶長無地帥師伐宋

昭公元年左氏傳晉侯求醫于秦秦伯使醫和視之

蕙田案以上秦

右春秋官制



五禮通考卷二百十六